

# Bengala lingvo

La **bengala lingvo** (বাংলা ভাষা, Bāṁlā bhāṣā, *Bangla bhasha*) apartenas al la hindeŭropaj lingvoj. Minimume 215 milionoj da personoj parolas ĝin kiel gepatran lingvon (2005) en Suda Azio. Ĝi apartenas al la tiel nomataj mondolingvoj (pli ol 100 milionoj da parolantoj) kaj okupas la lokon 7a laŭ la kvanto de la parolantoj en la mondo. El la parolantoj pli ol 140 milionoj da homoj vivas en Bangladeŝo, kie la bengala lingvo estas oficiala lingvo, nacia lingvo kaj la plej parolata lingvo. Fakte la nacia kaj oficiala estas la Moderna Normiga Bengala (Literatura Bengala).<sup>[1]</sup><sup>[2]</sup><sup>[3]</sup><sup>[4]</sup> Ĝi utilas kiel la lingvafrankao de la lando, kaj 98% el Bangladeŝanoj estas fluaj parolantoj en Bengala (inklude dialektojn) kiel unua lingvo.<sup>[5]</sup><sup>[6]</sup>

En Barato vivas pli ol ĉirkaŭ 75 milionoj da parolantoj. Tie ĝi estas unu el 22 oficialaj lingvoj. En la federaciaj ŝtatoj Okcidenta Bengalio kaj Tripuro ĝi estas la dua plej grava lingvo post la hinda lingvo. Ĝi estas parolata ankaŭ ĉe la Barak Valo en la ŝtato Asamo. Ĝi estas parolata ankaŭ en diversaj partoj de la Bramaputra valo de Asamo. Estas Bengalaj mezlernejoj kiuj plenumas la postulojn de la komunumo. La bengala estas instruata ankaŭ en variaj altlernejoj kaj universitatoj en Asamo. Ĝi estas ankaŭ la plej parolata lingvo en la insuloj Andamanoj kaj Nikobaroj en la Golfo de Bengalo.<sup>[7]</sup> Ĝi estas parolata ankaŭ fare de gravaj minoritatoj en aliaj ŝtatoj kiel Ĝarkhando, Biharo, Mizoramo, Meghalajo, Madja Pradeŝo kaj Odiŝo.

Aliaj homoj ĝin parolas en aliaj landoj, kiel Malajzio, Nepalo, Sauda Arabio, Singapuro, la Unuiĝintaj Arabaj Emirlandoj, Britio kaj Usono. Kun pli ol ĉirkaŭ 300 milionoj da parolantoj tutmonde (laŭ la censo de Barato de 2011), la Bengala lingvo estas kutime enkalkulita kiel sesa aŭ sepa indiĝena lingvo plej parolata en la mondo laŭ loĝantaro.<sup>[8]</sup>

Vortaroj el la komenco de la 20a jarcento atribuis iomete pli ol la duono de la Bengala vortotrezoro al indiĝenaj vortoj (t.e., nature modifitaj sanskritaj vortoj, koruptitaj formoj de sanskritaj vortoj, kaj pruntoj el ne-hindeŭropaj lingvoj), ĉirkaŭ 30 procenton al nemodifitaj sanskritaj vortoj, kaj la ceteron al eksterlandaj vortoj.<sup>[9]</sup> Dominante en la lasta grupo estas la Persa lingvo, kiu estas ankaŭ la fonto de kelkaj gramatikaj formoj. Pli ĵusaj studoj sugestas ke la uzado de indiĝenaj kaj eksterlandaj vortoj pliiĝis, ĉefe pro la prefero de Bengalaj parolantoj por la parola stilo.<sup>[9]</sup>

## Bengala lingvo

### Bangla (বাঙলা)

<b>Parolata en</b>	<u>Bangladeŝo</u> , <u>Barato</u> , kaj dise en pluraj aliaj landoj
<b>Parolantoj</b>	189 261 200
<b>Skribo</b>	bengala skribo, bengallingva brajlo

#### Lingvistika klasifiko

Hindeŭropa lingvaro

Hindirana lingvaro

Hindarja lingvaro

Apabhraŝa Avahattha

**Bangla**

#### Oficiala statuso

<b>Oficiala lingvo en</b>	<u>Bangladeŝo</u> , <u>Okcidenta Bengalio</u> ( <u>Barato</u> )
<b>Reguligita de</b>	<i>ne ekzistas Akademio por starigi lingvajn regulojn</i>

#### Lingvaj kodoj

<b>Lingvaj kodoj</b>	
<b>ISO 639-1</b>	bn
<b>ISO 639-2</b>	ben
<b>ISO 639-3</b>	ben
<b>SIL</b>	BNG
<b>Glottolog</b>	beng1280
<b>Angla nomo</b>	Bengali
<b>Franca nomo</b>	bengali



<b>Enhavo</b>
<b>Skribsistemo</b>
Vokaloj
Konsonantoj
<b>Gramatiko</b>
<b>Historio</b>
<b>Bildaro</b>
<b>Vidu ankaŭ</b>
<b>Notoj</b>
<b>Eksteraj ligiloj</b>

## Skribsistemo

Kiel ĉiuj aliaj Hindiaj skriboj ĝi devenas de la Brahmi-a skribo. Jen ties literoj, kun la okcidenta nagaria skribo ekvivalentoj, kaj prononco:

### Vokaloj

Baza vokalo	Transliterumo	Prononco
অ	a	larĝa o
আ	ā	<b>a</b>
ই	i	<b>i</b> (La bengala lingvo ne havas longecon de vokaloj.)
ঈ	ī	<b>i</b> (La bengala lingvo ne havas longecon de vokaloj.)
উ	u	<b>u</b> (La bengala lingvo ne havas longecon de vokaloj.)
ঊ	ū	<b>u</b> (La bengala lingvo ne havas longecon de vokaloj.)
ঋ	ṛ	silabo <b>ri</b>
ঌ	ṝ	longa silabo <b>ri</b> (Moderna bengala lingvo ne uzas tion.)
৳	ḷ	silabo <b>li</b> (Moderna bengala lingvo ne uzas tion.)
঍	ḹ	longa silabo <b>li</b> (Moderna bengala lingvo ne uzas tion.)
এ	e	<b>e</b> (en sanskrito ĉiam longa)
ঐ	ai	<b>oj</b> kun larĝa o
ও	o	<b>o</b> (en sanskrito ĉiam longa)
ঔ	au	<b>oŭ</b> kun larĝa o
ঃ	ḥ	<i>visarga</i> : iom simile al <b>ĥ</b> , sed malpli forta
্		<i>virāma</i> : forigas aŭtomatan vokalon



Ŝahid Minar en Dako rememoras la agadon de la Bengala Lingva Movado. UNESCO rememoras la movadon kiel Internacia Tago de la Gepatra Lingvo.

## Konsonantoj



Nagaria klavaro

Baza konsonanto	Transliterumo	Prononco
ক	ka	<b>ka</b> (ne aspirata).
খ	kha	<b>kh</b> , kun forta aspiro, do simile al <b>k + h</b> .
গ	ga	<b>ga</b> , sen aspiro.
ঘ	gha	<b>gha</b> , kun forta aspiro.
ঙ	ña	kun la <b>ng</b> -sono en ekzemple angla <i>sing</i> . (Tiu silabo estas pure teoria en la sanskrita, ĉar la konsonanto <b>ng</b> povas aperi nur tuj antaŭ <b>k</b> , <b>kh</b> , <b>g</b> aŭ <b>gh</b> en tiu lingvo.)
চ	ca	<b>ĉa</b> , sen aspiro.
ছ	cha	<b>ĉha</b> , kun forta aspiro.
জ	ja	<b>ĝa</b> , sen aspiro.
ঝ	jha	<b>ĝha</b> , kun forta aspiro.
ঞ	ña	<b>na</b> (tradicia sono estas <b>nja</b> , kiel la hispana ñ)
ট	ṭa	<b>ta</b> , sen aspiro, kun la lango fleksita supren-malantaŭen.
ঠ	ṭha	<b>tha</b> , kun forta aspiro, kun la lango fleksita supren-malantaŭen.
ড	ḍa	<b>da</b> , sen aspiro, kun la lango fleksita supren-malantaŭen.
ঢ	ḍha	<b>dha</b> , kun forta aspiro, kun la lango fleksita supren-malantaŭen.
ণ	ṇa	<b>na</b> , kun forta aspiro, kun la lango fleksita supren-malantaŭen.
ত	ta	<b>ta</b> , sen aspiro.
থ	tha	<b>tha</b> , kun forta aspiro.
দ	da	<b>da</b> , sen aspiro.
ধ	dha	<b>dha</b> , kun forta aspiro.
ন	na	<b>na</b>
প	pa	<b>pa</b> , sen aspiro.
ফ	pha	<b>pha</b> , kun forta aspiro. Ankaŭ ĉi tiu konsonanto havas sonon "f".
ব	ba	<b>ba</b> , sen aspiro.
ভ	bha	<b>bha</b> , kun forta aspiro.
ম	ma	<b>ma</b>
য	ya	<b>ĝa</b>
র	ra	langopinta <b>ra</b>
ল	la	<b>la</b>
শ	śa	<b>ŝa</b>
ষ	ṣa	<b>ŝa</b>
স	sa	<b>sa</b>
হ	ha	<b>ha</b>
ড়	ṛa	<b>ra</b> , sen aspiro, kun la lango fleksita supren-malantaŭen.
ঢ়	ṛha	<b>rha</b> , kun forta aspiro, kun la lango fleksita supren-malantaŭen.
য়	ya	<b>ja</b>


## Gramatiko

La bengala lingvo sekvas jenan vortordon - subjekto, objekto, verbo. Ĝi uzas postpoziciojn anstataŭ prepoziciojn. Ne ekzistas gramatika genro.

## Historio

La plej antikvaj skribaj atestoj pri la lingvo estas kolekto de 47 kantoj de diversaj poetoj, la Ĉarjapado.

## B




Paĝoj el la Ĉarjapado.



Bangla



Bangla



Fontoj de modernaj Bengalaj vortoj

- Tōdbhōbo (denaskaj)
- Tōtshōmo (Sanskritaj rebrunteprunoj)
- Bideshi (fremdaj prunteprunoj)

## Vidu ankaŭ

- Naciaj lingvoj de Barato
- Lingvistiko
- Listo de lingvoj
- Bengaloj
- Rohinĝoj
- Baŭloj, mistikismaj muzikistoj bengallingvaj

## Notoj

- ↑ [ [http://en.banglapedia.org/index.php?title=Bangla\\_Language](http://en.banglapedia.org/index.php?title=Bangla_Language)] Konsultita la 22an de Marto 2018.
- ↑ [ <https://www.britannica.com/topic/Bengali-language>] Konsultita la 22an de Marto 2018.
- ↑ [1] (<http://visitbangladesh.gov.bd/about-bangladesh/culture-religion-language/>) Konsultita la 22an de Marto 2018.
- ↑ [2] (<https://www.ethnologue.com/country/bd/languages>) Konsultita la 22an de Marto 2018.
- ↑ [3] (<https://einfon.com/nationalsymbols/national-languages-of-bangladesh/>) Konsultita la 22an de Marto 2018.

6. <sup>↑</sup> [4] (<http://www.viadelivers.com/bengali-language-facts/>) Konsultita la 22an de Marto 2018.
7. <sup>↑</sup> "50th Report of the Commissioner for Linguistic Minorities in India (July 2012 to June 2013)" (PDF). National Commission for Linguistic Minorities. 2014-07-16. Arkivita el la originalo (PDF) en 2018-01-02. [5] (<https://web.archive.org/web/20180102211909/http://nclm.nic.in/shared/link/images/NCLM50thReport.pdf>) Konsultita la 22an de Marto 2018.
8. <sup>↑</sup> "The World Factbook — Central Intelligence Agency". [www.cia.gov](http://www.cia.gov). [6] (<https://www.cia.gov/library/publications/the-world-factbook/geos/xx.html>) Konsultita la 22an de Marto 2018.
9. <sup>↑</sup> <sup>9,0</sup> <sup>9,1</sup> Bengali language (<https://www.britannica.com/topic/Bengali-language>). Alirita 2016-09-02.

## Eksteraj ligiloj

---

- <http://www2.ignatius.edu/faculty/turner/languages.htm>
  - [http://www.ethnologue.com/show\\_language.asp?code=BNG](http://www.ethnologue.com/show_language.asp?code=BNG)
- 

Elŝutita el "[https://eo.wikipedia.org/w/index.php?title=Bengala\\_lingvo&oldid=6975157](https://eo.wikipedia.org/w/index.php?title=Bengala_lingvo&oldid=6975157)"

---

Ĉi tiu paĝo estis lastafoje redaktita je 07:22, 8 jun. 2020.

La teksto disponeblas laŭ la permesilo [Krea Komunaĵo Atribuite-Samkondiĉe 3.0 Neadaptita](#); eble aldonaj kondiĉoj aplikeblas. Vidu la [uzkondiĉojn](#) por detaloj.